



Bo cadena
di numbernan
di suerte ta duna
e number di awe

Sorteo di 17 NOVEMBER 2014



1 6 0 7

Signo: CANCER



5 3 8 9



8 7 0 3

3 8 0 3

2 8 9 2



03 05 10 19

27



Mega Ball



6 4 0 5

5 8 2 1

4 0 0 1

DIARIO

4 9 4 9

E hurista y experto riba tereno estatal, mr. Luciano Milliard

“Mi no ta kere cu rol di gobernador manera e ta hancra den ley mester cambia”



Potret cortesia di Biblioteca Nacional Aruba

ORANJESTAD – Figura di gobernador su rol como representante di rey y como hefe di gobierno ta basta discuti den Reino. E decision di Gobernador di Aruba di abstene su mes di firma presupuesto 2014, y di otro banda na Corsou unda un mocion a wordo presenta pa cambia e rol di gobernador den postula y retiro di ministernan den futuro, ta inspira e debate aki den reino Hulandes.

Instancia independiente

E hurista y experto riba constitucion, mr. Luciano Milliard no ta kere cu ta relevante pa bin cu un cambio riba e rol di gobernador. Pero e ta kere si, cu mester bini cu un instancia imparcial manera un Corte Constitucional cu ta yuda trece balansa bek den e relacion den Reino. Kiermen si gobierno di Reino

tuma un decision pa medio di gobernador -manera e aawijzing cu Conselho di Minister di Reino a duna gobernador pa abstene di firma

presupuesto 2014- cu e paisnan di Reino tin un instancia cu nan por acudi na dje. E paisnan di Reino por puntra e instancia aki si acaso e decision aki ta conforme e normanan di statuut of no. Riba e parti, aki mr.

Millards ta considera cu mester bin cambio den Reino. E ta haya cu nos a sinti e falta netamente di un instancia independiente cu por a tira un bista riba e decisionnan di gobierno di reino a rais di e impasse di presupuesto 2014 di pais Aruba.

E ta haya cu hopi factor ta hunga un rol no solamente na Aruba sino na Corsou, y St. Maarten riba e figura di gobernador. P'esey proposicion a wordo haci pa cambia e rol di gobernador ya cu gobierno di Reino ta haciendo uzo mas y mas di e posicion di gobernador pa interveni den asunto autonomo den e paisnan di Caribe Hulandes. Mr. Millards ta reconoce cu e ta un poco conservador riba e parti aki. “Mi no ta kere cu e rol di gobernador manera e ta hancra den ley mester cambia,” el a bisa.

Rol di gobernador

Experto riba constitucion y decano di Universidad di Aruba, mr. Luciano Milliard a haya e topico aki sumamente interesante den derecho Constitucional di nos Reino; pero tambe un di e temanan mas dificil pa papia di dje.

Mr. Milliard kende a yega di studia e asunto aki na profundidad, a relata con e figura di gobernador a nace. E ta tuma e fecha di statuut 1954, kiermen 60 aña pasa ora cu statuut a drenta na vigor. E tempo ey e reina (Juliana) - y actualmente Rey William Alexander- tabata e cabesante di e gobierno di reino tempo aya (Hulanda, Surinam y Antia Hulandes. Ya cu e Reina e tempo aya no por ta den tres diferente caminda na e mesun momento, e ta wordo representa pa medio di un gobernador.

Di e forma aki e figura di gobernador a nace te nos tempo actual, pero den otro constelacion.

Aruba a haya su gobernador despues di Status Aparte, y demas pais di Reino despues di 10-10-10, ora cu Antia a wordo dismantela. Dos pais nobo a nace y asina Corsou a haya su gobernador, mescos cu St. Maarten. Di e forma aki gobernador ta representante di Su Mahestad actualmente den constelacion di Reino.

E ta aclaria cu gobernador como cabesante di gobierno, e no ta carga responsabilidad pa su echonan, y e por firma ya sea decreto of ley como representante di e rey. Esun cu ta carga responsabilidad politico ta e minister. Gober-

nador tambe e tin e facultad di habri Aña Parlamentario. Tambe den nos constitucion ta para cu e rey ta e cabesante di gobierno di Aruba, y representa pa medio di Gobernador.

Reglamento di gobernador

Pero tambe Gobernador tin otro posicion, y esaki no ta wordo mira den legislacion di Aruba sino den e Reglamento di Gobernador cu ta un Ley di Reino.

Den Reglamento di Gobernador tin capitulo 2, articulo 15 te cu 21, caminda ta wordo expresa cu den su posicion gobernador tin un tarea di supervision. “Es decir di e mesun gobierno di cual e ta forma parti di dje, e tin cu supervisa na nomber di e gobierno di reino su gobierno.

E ta considera cu e situacion aki ta pone e posicion di gobernador dificil pasobra: “un persona tin cu tira bista riba e mesun gobierno cu e ta forma parti di dje.” E ta describi esaki asina: Na un banda su ministernan ta bisa gobernador firma.... Na otro banda e tin gobierno di Reino cu ta bisa, no firma.”

E ta corda un frase di ex gobernador di Antia, sr. Saleh a yega di bisa bo mester tin un di seis sentido pa detecta cual banda por duna problema, ya sea banda di bo pais of banda di gobierno di Reino. E ta considera cu e gobernador tin un rol di balansa e relacion di Reino. “Esaki ta pone cu e posicion di gobernador no ta uno facil,” el a laga sa. □